

新刻痰火點雪

痰火點雪卷一目錄

痰火證論

痰火證治

痰火辯惑

痰火玄解

痰火緒言

痰火咳嗽

痰火失血

自汗盜汗

夢洩遺精

火病脇痛

虛腎健忘

火病結核

肺痿肺癰

火病寒熱

痰火潮熱

痰火骨蒸

火病失音

咽痛口瘡

火病泄瀉

傳尸鬼症

分類主方

分類諸方

分類捷方

分類宜食

名醫治驗

拙見治驗

痰火諸方補遺

痰火雜症補遺

痰火虎症

痰火脈訣

臟腑用藥氣味補瀉

五臟五味補瀉

五味宜忌

五味偏勝

痰火藥性

痰火灸法

痰火戒忌

却病秘訣

痰火點雪凡例

一是書綱領大槩以水虧火熾金傷議論次以益水清金降火主治更考諸家本草藥性制方間亦竊附已意第篇中辭理句繁不免有醜婦效顰之誚也

一是書闕徧大都以脉驗證因證立治由治以定方耳而其方中之品味一一參考諸家本草必合證精專者乃贅其不甚專者簡之

一是書主方後所附葛氏諸方其方中品味皆據所治諸證一一詳考本草係是方方徑捷味味精切實猶之將兵也然或有一二味性稍駿駛者卽慄慄之將自有奇能亦願主帥之神用耳

第恐夏虫之士不能神其神而反致疑勿用予故姑摘之以俟後之孫吳也

一諸方後續附簡易捷方方中多則三五味少則一二味或獨味者藥品雖簡稽之本草則皆有單騎獨戰之能況古人所立皆所經驗存案者予故采而贅之其未經考驗併無醫案者勿錄

一是書方後各採治驗見古人神聖功巧之妙鄙人千慮一得之見如所謂正治從治之說俾學者深得內經奧旨而知所變通不膠柱鼓瑟也

一是書所載脈理俱按內經脈訣難經成規並非妄呈已見以簣鼓後學者也學者誠能細心精究則攻治投劑方能箭中鴈鵠

矣

一是書所載本草每品中但取氣味性能切于痰火諸症者則贅之其不切者不錄恐其厭繁也庶便醫家目之足以主其見病者目之亦足以釋其疑耳

一是書所載戒忌却病諸法俱有関于痰火今編入于後俾患者飲食起居逐款遵行可弗藥而喜矣

一是書總類首之以證論蓋欲學者預知病標本也次之以證治欲學者如證以施治也三之以辨惑欲學者造病無疑也四之以玄解欲學者知病之隱微也五之以緒言欲學者知脈症之可補不可補也六之以因證主方欲學者用藥有規矩準繩也

七之以諸方提方恐學者不能自主則目證施劑可提影響也
八之以治驗欲學者知所變通而不泥古方也九之以脈訣欲
學者知察病之表裏寒熱虛實安危也十之以五臟六腑用藥
氣味補瀉虛實標本欲學者知臟腑虛實補母瀉子之法九害
承制之理也十一之以宜忌偏勝欲令病者臟無傷于峻也十
二之以藥性欲學者臨證施藥無疑也十三之以灸法令學者
知拔病根更無煩他書也十四之以戒忌却病秘訣使病者逆
可致順重可致輕卽不可起得其正命無枉折之誤也

新刻痰火點雪卷之一

大醫院金谿 應圓龔居中 著

鍾陵 屈瑞曾師誠 定

書林 龍田劉太易 梓

痰火證論

夫癆者勞也。以勞傷精氣血液。遂致陽盛陰虧。火炎痰聚。因其有痰。有火。病名酷厲可畏者。故今人晦之曰。痰火也。然邇所自來。因非一類。有稟賦素怯。復勞傷心腎。耗奪精血而致者。有外感風寒傷肺。致久咳絕其生化之源而致者。有久病久瘥。小愈失調。復損真元而致者。有藜藿勞人。傷力吐血。致陰虛使然者。有膏粱逸士。

洶洶恣慾勞傷脾腎而致者。有薰陶漸染者。種種之果。難以枚舉。至于成勞則一也。然將成是證。必有預徵兆。始焉或頸項結核。或腹脇痞癰。或素有夢遺。或幼多顛仆。漸而有潮汗遺精咳唾吐衄諸血等候。外症必形容憔悴。肌體尪羸。毛髮焦枯。脈必弦澀芤虛。摠之臟氣偏虧。亢害無制。困而致此極也。所治之法。必審其各臟外症。以徵其內。九乃施驅賊補母之法。庶得肯綮。如肺病傳肝。則面白目枯。口苦自汗。心煩驚怖。法當清金補水以益木。腎病傳心。則面黑鼻乾。口瘡喜忘。大便或秘或泄。法當折水補木以益火。肝病傳脾。則面青唇黃。舌強喉哽。吐涎體瘦。飲食無味。法當伐木補土以益火。心病傳肺。則面赤鼻白。吐痰咯血。咳嗽毛枯。法當瀉火

補土以益金。脾病傳腎則面黃耳枯。胸滿脘痛遺精白濁。法當濕土補金以益水。此五臟亢害承制之證治也。更有骨蒸尸疰。種類亦多。無乃陰虛之極。治法亦必益水清金。滋陰降火。越于是法。董其然乎。至于傳尸一證。則有伏連殭殍等名。其狀不一。葛氏已立治矣。所制青蒿煎。天庭蓋散。亦皆殺虫杜後之劑。然必預圖早服。庶不貽殃。倘至顛危沉困之際。則病深重老。雖倉扁亦望而畏焉。

痰火證治

夫痰火者。癆瘵之別名。病之最酷者也。然以病之先後言。則火爲痰之本。痰爲火之標。而其陰虛。則又爲致火致痰之本。負何則。陰虛則火動。火動則痰生。所謂痰火者。寧非言末而忘本耶。人之

身。金水二臟不可暫傷。蓋金爲生化之源。水爲生生之本。真陰既虧。則火自偏勝。火既偏勝。則上炎燬金。金母既傷。則生化之源已息。而水子何以藉其胎養乎。夫一水既虧。則五火相煽。火迫肺而爲咳。痰壅喉而爲嗽。所以咳嗽一證。爲亡津竭之肇耶。以其傷于生化。母子俱病。真水日涸。益爲致火之胎。于是陰愈消。而陽愈亢。燔燖蒸炎。迫血上行。越出諸竅。而爲咳唾吐衄等候。況血爲有形。難成易虧。可驟補耶。血失既多。則陰暴脫。而陽亦微。陽微則惡寒。陰虛則發熱。故寒熱似瘧者。乃陰消陽敗之證諦。至于潮熱。則又爲陰虛之極也。陰虛至極。則相火擅權。致君不務德矣。精固藏于腎。然聽命于心。心腎之液兩虧。則水火不交。陽主開泄。自致玉關

無約由是一旁卽遺不交而漏病者卽欲固守其可得乎直陰既竭則孤陽無根內經云潰潰乎若壞都汨汨乎不可止者正此謂也。然是證之由在于分毫之果。是猶涓涓水金未易干。可能辨哉。如始于嗜慾水虧致火炎燦金母子俱虛咳而多痰遺滑者脈必弦長緊實或滑而數此火鬱內實不受補者也。法當君以益水如熟地玄參五味枸杞山藥之類佐以清金二母三冬沙參紫苑等味使以降火梔苓藥草是也。如始于風寒邪鬱久咳傷肺嗽血漸至水虧此金絕生化之源母令子虛脈必浮而孔濡虛火遲緩無力或沉而遲濡弱細結代皆虛而不足可補者也。法當以益肺如參耆山藥之類佐以滋腎熟地五味玄參山藥等品使以清金飲

肺二母。二冬。片苓。沙參。烏梅。五味。白芍之屬是也。若始乎過力傷筋動極逆氣。肝不納血。因而妄出。止竅遂致陰虛者。法當君以益肝。如當歸。牛膝。芍藥等味。佐以養氣。決明白朮。栢仁。生薑等品。使以消痰。丹皮。紅花。鬱金之類。更以熟地。枸杞。杜仲以補其母。兼以二冬。知苓。沙參。以杜其賊。庶乃圓神。若水涸肺燥。咯唾咳嗽。法當潤肺清金。如蛤蚧。阿膠。二冬。百合。貝母。花粉是也。其曰五臟相傳者。乃五臟之氣自相戕賊也。如肺賊肝者。必面白目枯。口苦自汗。心煩驚怖。以白爲肺之色。目乃肝之竅。口苦自汗。心煩驚怖皆屬心病。此母令子虛之候也。法當君以益肝。以當歸。白芍。牛膝。續斷以補肝之血。以決明白朮。栢仁。菊花。益肝之氣。以枸杞。杜仲。熟地。

阿膠。兔絲子以補肝之母。佐以知母。訶子。麥冬。片苓以瀉肺之實。使以麥冬。酸棗。茯神以清心而鎮神也。如腎賊心者。必面黑。鼻乾。口瘡。喜忘。大便或秘。或泄。以黑爲腎之色。鼻爲肺之竅。大便或秘。或泄。亦皆金病。口瘡。喜忘。又屬心恙。此水尅火。火尅金之義也。法當君以益心。用茯神。遠志。菖蒲以益心之氣。當歸。熟地以補心之血。酸棗。烏梅。生薑。陳皮以補心之母。澤瀉。車前。茯苓以制水之淫。使以片苓。知母。二冬。紫苑以潤金之燥也。若肝賊脾者。必面青。唇黃。口強。舌哽。吐涎。體瘦。飲食無味。以青爲肝之色。唇爲脾之外候。餘皆肝之本病。此木尅土之義也。法當君以補土。以參。耆。升。葛。補脾之氣。白朮。白芍。大棗。膠飴以補脾之血。桂心。茯苓以補脾之母。

佐以芍藥烏梅以瀉木之實以膽草苓連梔子以瀉肝之火以
冬二母百合阿膠以堅金之肅也若心賦肺者必面赤鼻白吐痰
咯血喘咳毛枯以赤爲心之色鼻爲肺所屬餘皆肺證此火尅金
之候也法當君以瀉火用甘草人參赤苓木通黃蘗以瀉氣分之
火玄參丹參丹皮地黃以徹血分之熱使以黃連瀉心子之實佐
以二冬百合貝母阿膠以保肺潤燥使以參耆朮大棗甘草膠
飴以益肺之母也如脾賦腎者必面黃耳枯骨滿脘痛遺精白濁
以黃爲脾之色耳爲腎之竅腎主骨故脘痛餘皆水病此土尅水
之候也法當君以益水用知母玄參補骨脂以益腎之氣熟地黃
枸杞黃蘗五味山茱以補腎之血佐以梔子豆豉萊菔子以瀉脾

之子訶子防風桑白皮以泄土之實。使人參山茱萸熟地以補腎之母也。此古人之成法。當的從之。惟腎賊心之一證。意必邪水淫濕上溢心分。以其人真火心血素虧。君不並位。相火司權。乃能令人有面黑鼻乾口瘡喜忘便溺。便唐等證。此亦心腎不交。水火未濟之候。寧非濕熱相蒸使之然乎。夫真水一臟。有虛無實者。也不虧足矣。而能有餘賊心。似非六至之理。要之真水無瀉法。實火無補法。惟敦土清金爲善。志者忌過半矣。

痰火辨惑

聖謂人身生生之本。根于金水二臟。一水既虧。則五火隨熾。上炎燦金。傷其化源。則生生之機已息。而癆瘵之證成焉。何也。夫具水

既虧則陽自偏勝。以陽從陽。物從其類。氣得火而行健。故陽急陰緩。氣疾血徐。不相偕逐。所以錯經。女行越出上竅而爲咳。睡寐候然。血失既多。則陰虛陽勝。陽既偏勝。則自侵陰分。亢害所謂陰虛生內熱。故其潮汗遺滑證皆胎于此矣。諸證既見。則日消其陰。火專其令。上而燦金爲咳。下而涸水爲遺。金既絕。其生化之源。則水爲涸流之紀。於是精神日淺。肌肉日消。毛皮日槁。因而至此極也。當此之際。猶魚遊輟水。卽沛挽天傾。亦何濟哉。必神于治者。乃可冀其萬一耳。雖然。病固水虧。不察其所虧之由以治。安得投其隙乎。如始于風寒時未卽發。致火鬱久。咳傷其肺。金是謂母令于虛。法當君以清金。佐以滋水。使以降火。所謂補母。結已伐邪。制亢之

意也。又如久病久瘥，真氣已虧，復以勞慾損其心腎，是謂以虛益虛。法當君以益氣，佐以滋水，使以養血，所謂無伐天和之意也。真如過力傷筋，動而生陽，肝不納血，血驟妄行，致陰虛之極者，法當君以養血，佐以降火，調氣使以消陰，所謂攻守兼備之法也。至于膏梁逸士，洵酒恣慾，致脾腎兩虧，水涸火炎，金衰木旺，母子俱病，法當君以補水養血，佐以清金益土，使以降火平肝，所謂治病必求其本也。若夫前論所謂五臟相傳之證，固爲亢害承制所必然者，而其所載之候，未必一一全具，但醫當素編胸中，惟以面色主之以亢他證，但見一二，便作受亢之臟主張。法當君以益已，佐以補母，使以伐邪，則自中其轂矣。倘不察其微而槩以制亢恣意伐

邪。孟浪拔劑。虛虛之禍。咎將誰歸。

痰火玄解

誠謂痰火之證。本于亡血奪精。而其精之與血。皆真水真陰。有形有質。難成易虧者也。夫所謂痰火者。言末而忘本也。蓋真水既虧。則相火隨熾。壅迫津液爲痰。故曰痰者火之標。然以癆瘵之證。謂曰陰虛火動者。蓋以一言而括盡病之標本矣。內經曰。陰虛生內熱。蓋熱者火之微。火者熱之極。火迫津液而爲痰。則陰虛正謂致火致痰之本。而東垣所謂先受病爲本。次受病爲標者。非此謂乎。今之治者。惟曰清痰降火。則殊昧治病必求其本之論矣。或曰。滋陰降火者。固爲所宜。迨考所用之劑。無乃四物增以知母。芩連苦

寒之味殊不知陰得寒愈消脾得寒愈敗病者得之寧不減食而
脹泄乎。又寧不陰消而肉削乎。然曰滋陰降火者謂益水而勝火
也。蓋以龍雷之火不可以水伏不可以直折。法宜甘溫以補母。人
參山藥五味之屬以苦堅之知母之屬以苦補之黃蘗之屬豈不
聞蕭丘之火乎。按古之治癆諸方鮮有不主參耆者。蓋古人以血
脫者益其氣所謂陰藉陽以生之義耳。如婦人產後去血過多上
氣喘急命在須臾者名曰孤陽絕陰此陰虛之極者也。法當補陰
然而不主四物等劑而用參蘇飲劑中惟人參蘇木二味其用也。
豈古人之愚乎。蓋亦本諸內經之旨也。夫苦寒之用胎于王氏一
言之差遂爲萬世之妨愚考本草正誤云雷曰夏月使人參發心

痰之患好古曰人參甘溫補肺之陽泄肺之陰肺受寒邪宜此補之肺受火邪則反傷肺氣宜以沙參代之王綸曰凡酒色過度損傷肺腎真陰陰虛火動勞嗽吐血咳血等證勿用之蓋人參入手太陰能補火故肺受火邪者忌之若悞服參著甘溫之劑則病日增服之過多則死不可治蓋甘溫補氣氣屬陽陽旺則陰消惟宜苦甘寒之藥生血降火世人不識往往服參著爲補而死者多矣言聞曰孫真人夏月服生脈散腎瀝湯三劑則百病不生李東垣亦謂生脈散清暑益氣湯乃瀉火益金之聖藥而雷氏反謂發心痰久患非矣況痰乃膈旁積氣非心病也人參能補正氣破堅積

有發心痰之理觀仲景治腹中寒氣上衝有頭足上下痛不可

觸迫嘔不能食者。川大建中湯可知矣。王好古言人參補陽泄陰。肺寒宜用肺熱不可服。王綸因而和之。謂參善能補肺火。陰虛火動失血諸病服之必死。二家之說皆偏矣。夫人參能補元陽。生陰血。而瀉陰火。東垣李氏之說明矣。仲景張氏言亡血血虛者。並加人參。又言肺寒者。去人參。加乾薑。無令氣壅。丹溪朱氏亦言虛火可補。參著之屬實火。可瀉。參連之屬。二家不察三氏之精微。而曰人參補火。謬哉。夫火與元氣不兩立。元氣勝則邪火退。人參既補元氣。而又補火邪。是反復小人矣。何以與甘草參朮。謂之四君子耶。雖然。二家之言不可盡廢也。惟其語有滯。故守之者泥。而執一遂視人參如蛇蝎。則不可也。凡人面白而黃。面青。釐悴者。皆脾肺

腎氣不足可用也。面赤而黑者，氣壯神強，不可用也。脈之浮而拘，濡虛大，遲緩無力，沉而遲澀，弱細結代無力者，皆虛而不足，可用也。若弦長緊實，滑數有力者，皆火鬱內實，不可用也。潔古謂喘嗽勿用者，痰實氣壅之喘也。若腎虛氣短喘促者，必用也。仲景謂肺寒而嗽勿用者，寒束熱邪，壅鬱在肺之咳也。若自汗惡寒而嗽者，必用也。東垣謂久病火鬱在肺勿用者，乃火鬱于內，妄發不妄補也。若肺虛火旺，氣短自汗，必用也。丹溪言諸痛不可驟用者，乃邪氣方銳，宜散不宜補也。若裏虛吐利及久病胃弱，虛痛喜按者，必用也。節齋謂陰虛火旺勿用者，乃血虛火亢，能食脈弦而數，涼之則傷胃，溫之則傷肺，不受補者也。若自氣短肢寒脈虛者，必用也。

如此詳審。則人參可用。不可用。思過半矣。機曰。節齋之說。本于海
載。但論又過于矯激。丹溪言虛火可補。須用參耆。又云陰虛潮熱。
喘嗽吐血。盜汗等證。四物加入人參。黃蘗。知母。又云好色之人。肺腎
受傷。咳嗽不愈。瓊玉膏主之。是陰虛勞瘵之證。未嘗不用人參也。
節齋私淑丹溪者也。而乃相反如此。斯言一出。印定後人眼目。凡
遇此證。不問宜用不宜用。輒舉以藉口。致使良工掣肘。惟求免夫
病家之怨。病家亦以此說橫之胸中。甘受苦寒。雖至上嘔下泄。去
死不遠。亦不悟也。古今治勞。莫過于葛可久。其獨參湯。保真湯。何
嘗廢人參而不用耶。節齋之說。誠未之深思也。楊起曰。人參載本
草人所共知。近因病者。吝財薄醫。醫復筭本惜費。不肯用人參療

病以致輕者至重。重者至危。然有肺寒肺熱。中滿血虛。四證只宜散寒消腫補營。不用人參。其說近是。殊不知各加人參在內。護持元氣。力助羣藥。其功甚捷。若曰氣無補法。則謬矣。古方治肺寒以溫肺湯。肺熱以清肺湯。中滿以分消湯。血虛以養營湯。皆有人參在焉。所謂邪之所湊。其氣必虛。又曰。養正邪自除。陽旺則生。陰血貴配合得宜耳。庸醫每謂人參不可輕用。誠哉其爲庸也。好生君子。不可輕命薄醫。醫亦不可計利不用。蓋病者薄醫。實所以自輕其生也。醫者較利。亦所以自乖其行也。書此奉勉。幸毋日迂。

痰火緒言

凡痰火之證。始于陰虛。於法當補。但證有虛實。法有空忌。倘不以

脉證互參。孟浪投劑。則猶觸途冥行。寧無顛覆之患乎。蓋脈之可
補者。浮而乳濡。虛大遲緩無力。沉而遲澀。弱細結代無力。皆虛而
不足。可補者也。當君參耆佐以歸芍。若地。務使陽生陰長。其病乃
愈。若於此不補。或恣用苦寒。則虛虛之禍。豈旋踵而至耶。其脈之
不可補者。弦長緊實。滑數有力。此皆火鬱內實。不受補者也。法當
君以四物。佐以二冬二母。沙參玄參等味。滋陰抑陽。務使水升火
降。陰秘陽平。病或可痊。若妄施補劑。實實之災。將焉免之。夫脈既
已靜。又當以證互驗。如潔古所謂喘嗽不可補者。以其痰實氣壅
也。若氣短不相接。證似喘促者。腎虛短氣。當補者也。仲景所謂肺
寒而嗽。不宜再補者。以寒束熱邪。壅鬱在肺也。若自汗惡寒而咳。

者表裏俱虛可補者也東垣所謂久病脈實鬱熱在肺左微發不
宜用補若肺虛火旺短氣自汗者陰氣陰衰可補者也節齋所謂
陰虛火動不可補者以陰虛火亢能食脈弦而數涼之則傷脾溫
之則傷肺此不受補者若自汗短氣肢冷脈虛者必補者也若其
人面赤面黑氣壯神強不可行補若面白面黃面青黎粹者皆脾
肺腎不足宜補者也若此細難則猶蒼素並陳而復悞者真補腎
者失凡治痰火之法當以脈驗證脈證既明虛實立辨夫所謂虛
者真陰虛也法當補之所謂實者火邪實也法當清之然清補之
品亦猶朱紫相凌卒未易辨何也如知母玄參故紙皆補腎之氣
也黃蘗枸杞熟地阿膠山茱萸五味瑣陽從蓉皆補腎之血也人

參山茱補腎之妙也。二冬阿膠貝母百合蛤蚧天花粉皆潤肺之
燥也。石膏知母訶子粳米瀉肺之火也。桑皮地骨皮皆瀉肺之子
也。五味白芍倍子皆斂肺氣之散也。黃蘗知母丹皮地骨皮生地
玄參茯苓皆瀉命門相火也。芡實五味山茱萸牡蠣金櫻子遠志
皆固精藥也。參耆橘草扁豆皆補脾之氣也。苡木大棗補脾之血
也。茯苓茯神遠志菖蒲皆補心之氣也。當歸熟地皆補心之血也。
烏梅酸棗生薑皆補心之血也。甘草人參赤苓木通黃蘗皆瀉心
經血分熱也。丹參丹皮生地玄參皆瀉心經血分火也。梔子生地
皆涼心血之品也。黃芩竹葉麥冬皆清心經之客熱也。當歸牛膝
白芍萸薤皆補肝之血也。槲子白朮決明皆補肝之氣也。枸杞熟

地阿膠杜仲兔絲子皆補肝之甘也丹皮紅花皆行肝之血也青
皮香附皆疎肝之逆也芍藥烏梅皆瀉木氣之實也膽草黃連皆
瀉肝之火也五臟清補之品寧越此乎學者諸此則左右逢源雖
不中不遠矣

凡痰火之證始于陰虛法當滋補葛氏昔擅專門所遺諸方未有
不主參耆者厥後因二王不經之論致今醫掣肘遂視人參爲蛇
蝎惟以苦寒爲要與種種殺人猶不知悟豈不聞丹溪有曰虛火
可補須用人參耆又曰陰虛潮熱喘嗽吐血盜汗等證四物加人參
黃耆知母是知陰虛癆瘵之證未嘗不用人參也況陰虛之極不
用人參補陽何以生陰若不服參耆得愈者必真陰尚未甚虧

胃尚未衰敗。脉必浮大而緩。故用補血降火之藥。或有可愈者。但亦稀少耳。予自總髫。醫至于今。服參耆而愈者。十常五七。而不服參耆得愈者。十無二三。蓋陰藉陽生之理。歷歷可徵。猶產後孤陽絕陰之證。喘息目眩。心慌膽戰。命在逡巡。此陰虛之極。於法急當補陰。而古人不用四物。而用人參蘇木二味。亦名參蘇飲。一服而驗。効捷梓鼓。生平於此挽回者。奚啻百餘人。古人之精。何其神哉。噫。陰藉陽生之法。當的從之。但不明脉理者。未足語此。

痰火咳嗽

王氏曰。咳爲有聲。肺氣傷而不清。嗽爲有痰。脾濕動而生痰。此咳之所從始也。然必察其所由以治。庶中肯綮。何也。外邪致咳。風則

始必鼻寒聲重自汗惡風法當解之寒則始必惡寒無汗聲清氣壯法當散之若表證重者俱或頭疼發熱又當汗之此外感咳嗽之證治也若內傷之咳痰火則甚于清晨法當清痰降火火浮于肺爲咳則甚于黃昏治在清金土鬱食積爲咳則甚于長夜治在消導聖脈若夫陰虛爲咳證則不然有各種證諦可徵咳必甚于午後或兼諸血而有潮汗遺精等候其法則異于諸咳天淵矣貴在清金以益水源壯水以制火亢伐木無令脾虛庶五臟無偏勝之害乃令生化之源復行而生生之機再續加之調攝如安或可超之寒谷而登陽和之境不補而十集矣清致人下無連之解是殺人于無形之外也哀哉

聖謂六淫之邪。近肺爲咳。濕漬痰涎。壅候爲嗽。二者。肺病也。若夫癆症咳嗽。由則不然。何也。始于水虧。火熾。金傷。急其生化之源。源既絕流。則漸枯。之泉自涸。真陰既竭。則相火日旺。金受火之煅煉。則自燥而烈矣。是以一火而致金水悉傷。母子俱病。故咳血。聲啞。咽疼。蓋水清金之法。可少待耶。當此之際。五臟已病其三。所未亢者。惟肝脾而已。然金既爲火賊。則木自寡畏。其不凌脾者鮮矣。劑中必增以制脾健脾之品。蓋其已抑其勝。庶無木賊土敗之禍。於此。倘無抑揚之策。而反顛倒以治。則五臟之氣。虧者愈虧。而亢者愈亢。其不食脹泄肌脫肉消。勢所不至。其能免乎。

咳嗽加減主方

○以藥於肺沙參天花青皮蘇子
二母二冬百部合川用干柿其美各

治陰虛火盛咳而咽乾脈來弦長紫實滑數有力皆火鬱內
實不受補者宜此主之

麥門冬

去心壹錢五分治肺
虛火嗽或單倍亦可

天門冬

去心皮乙錢五分清肺
熱保肺氣除痰咳者

甘草

生用八分治大
熱傷肺咳嗽

沙參

一錢治肺
熱益肺氣

括樓仁

炒一錢潤肺
降火燥白痰

為咳藥

桔梗

去頭一錢清肺氣利
咽為諸藥之舟楫

枯菖苓

蜜炒一錢潤肺
痰利氣滋化厚養陰

退百部

去前一錢除熱
咳上氣喘急

鮮知母

去毛蜜炒忌飲一錢清痰
潤肺滋陰除火久近痰嗽

廿八分

清肺消痰
止嗽開鬱降火

百合

一錢治肺
熱咳嗽

天花粉

一錢治虛
熱咳嗽

右十二味作一劑用乾柿五片水煎食遠稱熱徐徐緩服

若熱盛喘咳及痰多如湧泉者加石膏火煨一錢若久咳痰

唾不出加五倍子五分 若咳嗽聲嘶者此金為火燥之故加
訶子肉五分歛而降之 若久嗽不止此肺氣散而不收加北
五味十五粒 咳而有血此肺竅傷損加阿膠犀角藕汁重便
對服

虛勞久咳加減主方

久咳虛勞可補藥
熟地五味同知母
天冬漢代藥方

治陰虛勞嗽 脈未浮而芤濡虛大遲緩無力或沉而遲弱
細無力皆虛而不足宜于補者以此主之

黃耆

蜜炒一錢補虛瀉火止
痰嗽自汗及咳膿血

人參

五分補肺氣降肺
火及肺虛久嗽

北五味

五

粒收肺氣止咳嗽

紫苑

制過一錢止咳
膿血消痰益肺

款冬花

八分治肺熱勞
嗽連綿不絕為

溫肺治嗽

生地黃

姜汁蒸一錢
止咳嗽吐血

玄參

忌鐵一錢治腎水受傷真
陰失守脈弱無根發為火

肺咳嗽 沙參 一錢 益心 肺清肺 天門冬 去心皮 一錢 保肺氣 麥
唾血 證 火治久嗽 肺痿 陰虛及口渴 知母 去毛忌 欬 蜜炒 一錢 消
門冬 去心 一錢 止勞咳 定虛 陰虛 及口渴 知母 去毛忌 欬 蜜炒 一錢 消
肺熱 主心煩 治陰虛 及口渴 知母 去毛忌 欬 蜜炒 一錢 消
蒸類

右十一味作一劑水煎緩服

若咳嗽痰結咽喉不利肺燥喘咳加炒括樓仁一錢 若勞咳
上氣胃腸不利加貝母八分 若咳而失聲由火燥燬金損傷
肺竅極為難治加訶子肉八分 若胸脇痞滿少食此肝木賊
脾加山藥白芍醋炒青皮少許 若咳而多汗加酸棗仁微炒
五分清黃著 若咳而有血加阿膠八分 磨犀角藕汁童便對
服 若咳而遺滑加茯神山茱萸肉各一錢 開服不味尤

咳而腎蒸加地骨皮一錢

附簡易方

●蘇游鳳髓湯 治肺燥咳嗽用松子仁一兩胡桃仁二兩研膏和熟蜜收之每二錢食後沸湯點服

●又方 治虛熱咳嗽口乾涕唾用枳蔗汁一升半青梁米四合煮粥日食二次極潤心肺

●又方 治咳嗽吐血人參黃耆飛麴各一兩百合五錢爲末水丸梧子大每五十丸食前茅根湯下

●一方 用人參朱砂等分爲末烏梅肉九彈大每白湯下一丸日一服

又方 治肺熱咳嗽沙參五錢水煎服

附拙見治驗

一童子年十三歲患咳盜汗遂請幼科治之乃曰小兒汗不必服藥一月後兩目頓赤食少痰中帶血絲余診其脈左手微而無力右手大而洪數此火症也想已有外務其父母力爲分解再三私詢乃曰前學中隔壁窺見一女子覺慕之不遂後得此疾余以當歸地黃菰神遠志牡丹皮酸棗仁白木甘草桔梗數十劑全愈

一人咳嗽短氣余以黃芪爲君當歸阿膠陳皮天冬桑白皮知母黃柏數服而愈

痰火失血

夫血者氣之配也。人之一身五臟六腑。四體百骸。靡不藉其營養也。然附以行。氣暢則暢。氣逆則逆。有未婦隨唱之義。一或陰虧陽勝。偏而爲火。氣得火而行健。譬則男女偕行。男得附而邁。女必迷途而暫竚矣。所以火載血上。錯經妄行。越出上竅而爲吐衄。咳嗽等候。第始焉之作止。氣未虛。猶水溢于都。固當潔理其源。亦必益土以禦。不爾而任其流。則涓涓之勢。其可遏乎。非江海之源。寧不竭乎。況失血既久。則真陰已虧。相火自熾。必見潮汗遺滑等證。當此之際。法當君以益陽。佐以滋陰。養血使以清金。素源令陽生。陰長。源潔流清。庶無後慮矣。然所謂益陽者。參耆獨參湯之類是。

也。所謂滋陰養血者，四物知藥玄參之屬是也。所謂清金，梔苓沙參二冬等味是也。所謂理氣者，陳皮香附是也。所謂兜瀉者，檳榔茜根大小劑是也。所謂潔源者，丹皮鬱金犀角藕汁或童便一物是也。要之痰火失血，皆由陰火上炎所致。然謂之陰火者，龍雷之火也。不可以水伏，不可以直折。豈若寒之可遏耶？倘恣用苦寒以傷其脾，則飲食日減，肌肉日消。節齋云：服寒者百無一生。服浚溺者百無一灰之論，正此謂也。

聖按失血之證，其類非一。有陽乘陰者，謂血熱而妄行也。有陰乘陽者，以陽虛而陰無所附，妄溢而不循經也。有血越清道而出于鼻者，有血溢濁道而出于口者，嘔血者出于肝，吐血者出

于胃衄血者出於肺耳出血曰衄皮膚腠出血曰血汗山鼻並出
曰腦衄九竅俱出曰大衄由固不三總之火病居多倘不適其
源而以治寧無岐路亡羊之失乎

導瘀散滯緩急之品

治諸血暴作妄行不止兼止兼消

藕節

人藥或絞汁同藥服或生藕單服亦可治口鼻諸血此清本潔源之要藥

櫻灰

消瘀血止吐衄咳唾諸血

或入藥或

茜根

或剉或絞汁活血行血止吐衄諸血

韭汁

止吐血和童便頓服萊菔

汁

仍注鼻中

蔓菁汁

乾柿

宿血

吐衄

鬱金

消瘀血

灰

散瘀血水調服上

京墨

磨服

所吐血

炒黑研末麥門冬湯

所衄血

按取點目角或

人指甲

研末吹

諸血主方

治陰虛火動血熱妄行吐衄嘔咳咯唾等血

生地黄

傷損吐血衄血

二錢治心肺

紫參

一錢止唾衄血或

丹參

一錢

新血牡丹皮

一錢和血

當歸

一錢頭止

血身熱

一錢

芍藥

一錢

消宿血養新

白芍

錢散惡血逐

血平肝助

黃芩

酒炒

一錢

黃芩

酒炒

一錢

熱吐衄

麥門冬

去心一錢五分治心

肺積熱吐衄

不

梔子

炒黑

一錢

一錢

一錢

清胃脫

血止切

右十味乃滋陰抑陽之要品作一劑水煎服入童便一盃

藕汁一盞溫服或磨犀角汁同服如證增減血不凝驗若血

勢壅盛當與前清止之品倍用

補血後虛怯主方

治吐衄咳唾等諸血失既多，虛羸昏倦，精神怯弱，血尚未盡。

人參一錢補氣生血 吐衄後更服一兩若內傷 諸善逐五穢惡

血同紫蘇不止服 甘草炙五分養血補血 白及十錢或為末以羊

止衄水服白合 血或和蜜蒸食熟地黃 二錢補生地黃 二錢涼血

當歸身一錢 血養血牡丹皮 一錢和血生血涼何膠 一錢王虛損

片血肺鹿角膠 同上

右十味乃補血養血清血歸源之品，其間主以參耆者，取陰

藉陽生之義，但脈不實數，弦長者，任意服之，無執王氏謬論，

以取虛虛之禍也。以上作一劑，用藕節五個水煎，臨服時久

以取虛虛之禍也。以上作一劑，用藕節五個水煎，臨服時久

童便一盞藕汁二盃俟溫徐徐緩服

按褚澄遺書云人喉有痰瘀血殺人益肺體清虛難容纖物血
既滲入愈咳愈瘀愈滲愈咳凡諸藥味厚氣濃者皆所不利惟
飲童便一物湯則百無一死若服寒涼則百不一生又吳氏云
諸虛吐衄咯血須用童子小便其功甚捷蓋溲溺滋陰降火清
瘀血止吐衄諸血但取十二歲以下童子絕其烹炮醃酸多與
米飲以助水道每用一盞入姜汁或韭汁三五點徐徐緩服日
進二三服寒天則頓溫服久自有効也

附吐血簡易良方

●地黃粥 大能利血生精吐血者宜常食之妙用懷慶生地黃

以銅刀切二合與粳米二合同入罐中煮之候熟以酥二合白蜜一合同炒香入內再煮熟食

一方 治內熱吐血用青黛二錢新汲水調服

一方 治吐血損肺煉成鍾乳粉每三錢糯米湯調下立止

一方 治吐血不止青柏葉一握乾姜二片阿膠一挺炙水二升煮一升另絞藕汁或童便一盞去渣服

一方 治恚怒嘔血煩滿少氣胃脇疼痛青柏爲散米飲下二
三七

一方 治吐血衄血白膠香蛤粉等分爲末姜汁調下

一方 治暴卒吐血石灰于刀頭上燒研每三錢并花水調下

一方 治吐血胸膈刺痛、川大黃一兩爲散、每一錢以地黃汁一合水煎服。

一方 治心熱吐血不止、生葛搗汁半升頓服。

一方 治內損吐血、飛羅麴畧炒以京墨汁或藕節汁調服、二錢。

一方 治吐血諸藥不効者、桃奴燒末米飲下。

一方 治卒暴吐血、隻荷散藕節荷蒂各七個蜜少許、搗爛水煎溫服或丸服。

一方 治吐血咯血乾荷葉焙乾爲末、每二錢米湯下。

一方 治吐血、敗荷葉爲末、蒲黃等分、每二錢麥冬湯下。

●一方 治吐血衄血陽盛于陰血熱妄行。空服四生丸。生荷葉生艾葉生栢葉生地黃等分。搗爛丸如梧子大。每水煎一丸服。

●一方 治吐血如鷺鴨肝。用生犀角生桔梗各一兩末之。水服二錢。

●一方 治諸失血。用褪柴葉濃煎水服。或入藥服尤妙。附拙見治驗。

一人患咳吐血。余診脈數而有力。獨脾脈洪實而緊。此煎炒厚味所致。乃脾胃一經火也。余以陳皮白朮當歸生黃桔梗甘草白芍黃芩貝母天花粉白茯苓知母黃柏數十劑而愈。

一農家因救旱過勞。忽吐血不止。醫作火病治之不効。求救於余。余以補中益氣湯數服而愈。內經所謂勞者溫之。正此義也。一老人下血不止。服止血藥不効。余以四物加牡丹皮白朮理脾而愈。

自汗盜汗

夫汗者。心之液。非大熱過勞而出者。則病也。由則非一。或衛冒風暑濕邪。薰蒸鬱過。致營衛之氣不和。是以腠理開張。漉然汗出。此外邪之所爲。惟微其邪。則汗自止。若內傷之汗。非營虛則衛弱也。何則。以陰乘陽分。自然汗出者。曰自汗。法當調營以益衛。以陽乘陰分。睡裏汗出者。曰盜汗。法當滋陰以抑陽。若病久而肌脫。

者。蓋則自汗蒸。蒸夜則盜汗襲。襲又屬陰。陽兩虛也。法當氣血兩益之。大都自汗之脈則必微而弱。盜汗之脈則必細而瀋。微主陽氣衰。細主陰氣弱。王氏之論。豈欺我乎。要之自汗盜汗。乃亡津奪液之肇端。但見是證。則當警陽以治。毋以尋常一例視也。

聖曰。所謂汗爲心液者。以其心主是液。如脾主涎。肺主涕。肝主淚之類。非心竅之真液也。蓋亦水穀至清之液。脾氣散精。上歸于肺。輸佈一身。五臟六腑。四體百骸。靡不藉其營養。人所不可一日無者。猶水濕于土中。淫則浸漬。燥則乾枯。燥濕相得。則滋長萬物矣。而其所以爲汗者。必藉陽氣鼓舞。乃生。譬則造酒者。然以麴穀濕盒。置之甕中。注水於釜。迫之以火。則液氣升而爲

酒矣。造酒作汗之理。以此喻之。若符之合。可異乎。夫汗則
也。而復有自汗盜汗之異理。何致也。所謂陽虛陰必乘之。抑何
別耶。以陰乘陽分。是營氣不與衛氣諧也。陽主動。陰動中有靜。
故覺而汗出。乃曰自汗。法當補陽以養陰。蓋補陽者。參耆是也。
養陰者。歸地是也。陰虛陽必乘之。以陽侵陰分。是衛氣不與營
氣和也。陰主靜。以靜中有動。故寐而汗出。乃曰盜汗。若盜之潛
出。覺之即止。法當補陰以抑陽。蓋補陰者。四物是也。抑陽者。三
黃是也。若夫晝則自汗。而夜盜汗者。固爲陰陽兩虛。然病至于
此。則醫亦掣肘矣。何也。衛氣者。晝則行陽。夜則行陰。行陽則寤。
行陰則寐。今也寤寐俱汗。是陽動極。而陰靜反動。總之陰陽二

敗而微陽亦自浮越矣。時將補其陽，則陰火得補而遂熾。時欲濟其陰，則陽微無以生其陰。於斯時也，惟脈大虛緩不數者，則為陰未甚虛，胃氣尚存。二法用之，用或可異其萬一耳。偕使脈來細數無力者，則為陰敗陽頽，卽倉扁復起，又何施耶。

自汗主方

治痰火證具，氣虛自汗，脉微而緩，或大而虛微者，宜之。或兼夢遺亦宜之。

黃耆

蜜炒一錢，高肺火，益元氣，實腠理，止自汗。

人參

清河者五分，止一切自汗，或同當歸、猪腎、養食。

白朮

土炒

一錢

止自汗，或同小麥煎服，或同黃耆、石解、牡蠣末、主脾虛自汗。

麻黃根

八分，止諸汗，必用，或末之外撲。

知母

蜜炒去毛一錢，清金止自汗。

酸棗仁

微炒一錢，研碎，止自汗，寧心驚，治不眠。

白茯苓

去皮一錢，止自汗，盜汗。

汗並空或同烏梅湯服若血

栢子仁

養心液

止汗

牡蠣

煅

錢氣虛自汗血虛盜汗同杜仲酒

龍骨

煅研末五分

熟地黃

一

服虛勞盜汗同黃芪麻黃根煎服

龍骨

止汗

熟地黃

一

陽止汗

右十味治自汗之專品惟脈不細數弦長緊實者俱可服也

若覺陰火盛者加玄參一錢若兼傷風衛氣不與營氣而自

汗者加桂枝三分外以雌雞猪肝羊胃作羹牛羊脂酒服皆有

益于汗以尋常作茹食之亦宜

盜汗主方

治痰火證具陰虛盜汗脈細而數或弦清虛微者宜之兼夢

遺者亦宜

當歸身

一錢益陰生血止盜汗

熟地黃

一錢滋腎水益真陰止盜汗

白芍藥

一錢除勞退熱

煩益氣渴肝

白茯苓

去木一錢治同前

栢子仁

炒一錢研末止心驚盜汗

牡蠣粉

一錢

前同

黃藥

蜜炒一錢益腎止汗

白朮

土炒一錢治同前

甘草

炙五分瀉陰火補脾止汗

黃連

炒

五分除心熱止盜汗

麥門冬

去心一錢治同前

浮小麥

微炒一撮止盜汗

右十四味治陰虛盜汗之聖藥脈細數者尤宜

若盜汗甚者亦加麻黃根五分龍骨五分 若盜汗微而本證甚者但主以本證藥兼此如證增減自提影響

附諸方

●當歸六黃湯

治盜汗之聖藥

川當歸身

一錢五分補血養血生血行血止陰虛盜汗故用生地黃黃芩佐之不絕生化之源要之血藥不容舍此

黃藥

蜜炒一錢 瀉腎火救腎

生地黃

陽勝相火熾強來乘陰位

日漸煎焚須陰降火止盜汗者

熟地黃

一錢 補腎水真陰

汗老宜之又佐當歸之能

黃連

蜜炒八分 開黃芩

一錢 除膝埋間熱養陰退陽

黃芩 蜜炒一錢

胃氣去肌熱瀉肺火除虛熱除肌

中燥熱又治脉弦自汗脉細自汗

●黃耆湯

治喜怒驚恐房室虛勞以致陰陽偏虛或發厥自汗

或盜汗不止並宜服之

黃耆

蜜炒一錢

白茯苓

去皮一錢 保心

熟地黃

一錢五分

天門

冬

去心一錢 保肺定喘

麻黃根

八分

龍骨

煅八分 安

五味子

北

補腎生津酸

浮小麥

一錢

防風

一錢 止盜

當歸身

一錢 治

甘草

如上一錢

灸五分濕火
補脾止汗

右十一味止盜汗自汗之專劑水煎食遠服

牡蠣散 治諸虛體常自汗驚惕不寧

牡蠣左顧者黃耆蜜炒麻黃根一兩白朮土炒甘草炙二錢五分

浮小麥白粒體虛加白茯苓一兩

右為粗末每五錢滾白湯臨卧溫服

附宜食

猪心若心虛自汗同猪腎止盜汗產後勞麥麴止盜汗

豆豉止盜汗為末蒸餅每食食一枚

附拙見治驗

一書生患盜汗。每夜濕被數重。開帳其熱氣如霧上騰。余以當歸六黃湯加減數十劑。畧減二三分。未全愈。診六脈伏沉。乃虛之極也。加人參七分。黃芪加至三倍。復以重便者。附子二分。一服熱退。汗止一半。再服而汗症亦愈。

夢遺精滑

夫精者血之粹者也。經曰。陽平陰秘。精神乃治。陰陽離決。精神乃竭。以腎水虛衰。心火妄動。致水不得寧。由是不約而妄遺矣。迨邇其所自。因則有四。何也有。夢交而遺者。以火動水沸。神馳精泄。此君不務德。亂命所致。法當君以終心寧神。佐以益腎。而欲竅也有。下元虛弱。精神蕩溢而遺者。此腎衰不攝。玉關無約。而精乃妄泄。

法當君以補腎。佐以瀝精也。有年壯氣盛。久節房事。致經絡壅滯。而遺者。此久曠精滿而溢。惟得泄而自平也。有情動于中。所願不遂而遺者。惟通其情而自止。卽勿藥可也。四者之中。惟夢遺最酷。蓋勞神而復脫其精。痰火之機多肇于此。可例視乎。

聖謂營氣之粹者。化而爲精。聚于命門。命門者。精血之府也。經曰。男子二八而陽精升。約滿一升二合。養而克之。可得三升。損而喪之。不及一升。謂精爲蟻者。精非血不化也。謂精爲寶者。精非氣不養也。故血盛則精長。氣聚則精盈。譬則海水之潮。亦由天地間之陽氣鼓舞。所以氣血精三者。同源而異流。殊途而同歸者也。期嗣真詮。亦曰精卽血成。試以精置盤中。以鹽點之。一

宿卽化而爲血。豈非反本還元之義與。愚謂血之爲精。猶朱砂中之取汞也。法置砂入鼎中。以火迫之。其汞乃出。夫婦交媾。必動淫火。而精乃泄。故丹家以汞鉛譬之精血。正此義耳。然精固營之粹者。而其腎中一點真水。則胎于無極。生于太極。有形有質。難成易虧。男女均有此物。所以男女過慾。皆能致水虧而成陰虛火動之證。其義可見矣。所謂二八而精滿者。無乃飲食厚味之液所變之。濁陰澄秘者。復藉肺氣輪歸于腎。若酒之攪水。然必藉本醇之氣味。乃能充盈。故富貴之人。雖縱淫酒色。未嘗一一而成瘵火之病。蓋以日食葷濃之味。故輪化之精亦多。雖頻泄亦未卽竭。若夫天一之真精。則父母先天所成。爲人身之

至寶可類而妄泄乎。倘無厚味精液之助。猶酒之真醪可類。費而妄耗乎。若藜藿如膏粱之縱慾。其有不病者亦鮮矣。況夢遺一證。于縱慾勞神。遂致坎離不交。水火未濟。勞神奪精。心不禦神。腎不攝精。心神蕩溢。由是一夢而遺。其酷于諸遺者。以此法貴瀉南方。補北方。益真火。壯真水。庶得病情之奧。

遺精主方

治心神不足。夜多淫夢。火伏水中。水不得寧。一夢即遺者。此心腎不交。水火未濟。實痰火之肇端也。宜此主之。

人參

取清河的

白茯神

去木一錢

熟地黃

一錢忌鉄

山茱萸

取肉一錢

肥遠志

去心一錢

淮山藥

一錢

五味子

十五粒

酸棗仁

微炒一錢

肉從容

酒洗去甲一錢

補骨脂

微炒八分

芡實肉

一錢

蓮花鬚

五分

鮮知母

去毛淡鹽水炒過一錢

伏盆子

一錢

麥門冬

去心一錢

右十五味作一劑空心服乃養心血寧心志益神氣補腎精泄腎火固玉關之專品此藥不燥不寒不妨肺腎不助陰火誠痰火之王道也

若夢遺甚者必專服之若更遺甚者或入金櫻膏同服或加牡蠣或加龍骨若脈實數弦長或濡數而細此不受補者去人參補骨脂加當歸生地黃黃蘗芡實末每兩入龍骨一錢五分或用金櫻膏糊丸間服水陸二仙丹此標本並治之藥也

附諸方

○龍齒補心湯

治諸不足血虛潮熱心神驚怖睡卧不寧盜汗

夢遺小便赤濁煩躁不安等證

龍齒

煨研一錢以本劑化服

人參

五分

熟地黃

一錢五分

川歸身

一錢

桔梗

一錢

酸棗仁

微炒研細

白茯苓

去皮一錢

白茯神

去木一錢

麥門冬

去心一錢

綿黃耆

蜜炒一錢

遠志

取肉八分

半夏

八分

白朮

土炒一錢

甘草

炙五分

原有枳殼桂心似不切病情今

摘之右十四味作一劑入粳米一撮姜引水煎空心服

●清心蓮子飲

治發熱煩躁七情抑鬱小便白濁或有沙漠夜

夢走泄遺瀝瀰痛或赤或白酒色過度上感下虛心火上炎

肺金受剋故口乾燥漸成消渴四體倦怠男子五淋婦人帶

下赤白五心煩熱此藥溫中清心養神祕精

黃芩

蜜炒一錢補勝
膀胱及滋化源

麥門冬

去心一錢補心氣
不足退勞傷客熱

地骨皮

二錢益
精氣瀉

腎火退肝腎虛熱
又去包絡中火

車前子

一錢養肝肺強陰益精
導小腸熱久服耐老輕身

甘草

五分
瀉火

熱通九竅利百脈
益精養氣補脾胃

白茯苓

一錢補五勞及
七傷滲濕利竅

黃耆

蜜炒一錢治虛
勞自汗補肺氣

瀉肺火心火治丈夫虛損五勞
瘦弱瀉陰火除虛熱補脾氣

人參

五分補五勞七傷虛損瘦
弱瀉心肺脾胃中火邪安

精神定魂魄止驚悸
保中守神又禦精

石蓮肉

去心一錢安心澁精交心
腎安靖上下君相火邪

右九味作一劑水煎食前服有熱加柴胡薄荷

●芡實丸

治思慮傷心疲勞傷腎心腎不交精元不固面無顏

色驚悸健忘夜夢不寧小便赤澀遺精白濁足脛酸疼耳聾

目昏口乾脚弱

芡實

取生肉二兩益腎固精補脾

蓮鬚

一兩清心通腎固精

茯神

去木一兩止驚悸又開心益志安魂寧

便不利者加而用之

山茱萸

取肉二兩補腎氣添精髓止小便

滑龍骨

煨研五錢治心腹鬼忤鬼疰養精神逐邪氣

五味子

者

一兩治腎

韭子

五錢宜腎壯陽止

肉苁蓉

一兩止精

養地黃

二

填骨髓生精血補

紫石英

火煨研五錢

牛膝

酒洗去蘆二兩事

失溺補中續絕利陰

氣

枸杞子

一兩補虎勞益精氣滋腎潤肺

右爲末酒煮山藥糊丸梧子大每七十九丸淡鹽湯下

心腎丸

治水火不既濟心下怔忡夜多盜汗便赤夢遺

牛膝

去蘆酒洗二兩

熟地黃

二兩忌鐵

肉苁蓉

一兩

鬼絲子

酒蒸二兩

鹿茸

去毛酥炙一兩

人參

一兩

黃芪

蜜炙一兩

五味子

一兩

茯神

去木二兩

山藥

焙二兩

當歸身

二兩

龍骨

煨五錢

遠志

去心二兩

右爲末

淡鹽湯另以山藥末糊丸梧子大每七十九空心淡

鹽湯下

附捷方

男子夜夢鬼交精洩巴戟天煎丸並良

心虛夢洩或白濁白茯苓末每服二錢

虛滑遺精白茯苓二兩縮砂五錢爲末入鹽二錢精羊肉批開

摻藥炙食以酒送下

漏精白濁小便數多白茯苓山藥礬水煮過等分爲末每飲服

二錢

心虛遺精、猪心一個、批開相連、以飛過朱砂末、摻入線縛煮、食之。

夢遺減食、白色、苦參三兩、白朮五兩、牡蠣四兩、爲末、用雄猪肚一具、洗淨、砂罐煮爛、石臼搗和藥、乾則入汁、丸小豆大、每四十丸、米湯下、日三服、久服身肥、食進而夢遺立止。

腎虛遺精、北五味子一斤、洗淨、水浸、掇去核、再水洗核、取盡餘味、通置砂鍋中、布濾過、入好冬蜜六斤、炭火慢熬成膏、瓶收、五日出火毒、每空心服一二匙。

固精強骨、金毛狗脊、白茯苓、遠志、連肉、當歸等、分爲末、蜜丸、梧子大、每五十丸、酒下。

遺精品類

有心虛

腎虛

心居

補五臟

安神定魂

遠志

利九竅益志慧聰耳

安魂氣止虎夢遺

鬼絲子

添精益髓補五勞七傷

蓮鬚

固精

蓮子心

朱砂

入心虛遺精或

紫石英

補不足

安魂填下焦止消渴

養肺氣

少陰足厥陰血分藥也上能

鎮心重可以去怯也下能益肝

石蓮肉

補五臟不足傷中益十二

藏血其性緩而能補故心

神不安

肝血不足者宜之

扶神

心神驚悸虛而健忘風眩心虛痰補治心病然

腎虛

巴戟天

夜夢鬼

肉蓯蓉

五勞七傷補中添精益髓悅顏色延

陰山藥

益腎氣止洩精

補骨脂

流或同青蛇末服

五

味

子

遺精或焚 常服 覆盆子 安和五臟補勞損腎精 狗脊 固精強骨

志扶神當 韭子 宜腎壯陽止洩精筋小便 歸丸服 照止虛勞夢洩或醋煮丸

品類 半夏 宜此或用猪苓炒過同牡蠣丸服 蘇子 夢中失精炒

浮瀉 補陰不足 黃蘗 入片腦丸服 牡蠣 夢遺便澀為末或

蛤蚧粉 爛蜆殼 田螺殼 真珠 並主遺精

品類 次實 益腎固精或同 金櫻子 固精熬膏或入 益智仁 治夢洩

九服 藥山藥 出菜更 益精安五臟通九竅止小便多補腎氣添精

龍骨 多寐泄精小便同蘇子末服 龍齒 安寢定魄 桑螵蛸 男子

同龍骨末服 鹿茸 或末之酒服方寸匕或煎酒飲 鹿角 水

服或人藥止脫精夢遺丸服 鼈甲 治陰虛夢遺 白膠 虛遺酒

注婦人夢鬼交鬼精自出 或燒末酒服

阿膠腎虛失狗頭骨灰夢遺酒服

附宜食

雞脆胗

黃雌雞

烏骨雞

猪腎

猪心

雉肉

胡桃

櫻桃

附拙見治驗

一書生夢遺精滑。世人多作腎虛不効。予將清心蓮子飲加知柏龍骨牡蠣草薢。或再加兔絲而愈。

一童子夢遺不止。予以二陳加減。除胃中濕痰。後以清心蓮子飲數服而愈。

一男子遺精白濁。口乾作渴。大便中澁。午後熱甚。用補中益氣。

加為藥玄參加減六味丸而愈。

火病脇痛

夫左脇者肝之部位也。竊見患痰火者。往往多左脇痛。此蓋由性燥暴多怒。怒氣傷肝。故作患也。丹溪云。左脇痛。肝火盛。有氣實。有死血。右脇痛。有痰流注。蓋右脇乃肺之部位。肝急氣實。用蒼朮川芎青皮當歸之類。痛甚者。肺火盛。以當歸龍薈丸。姜汁下。是瀉火之要藥。死血用桃仁紅花川芎。加以辛涼之劑治之。余治吾儒病痰火者。多見此症。由作文編字。多以左胸伏棹。倦後儘力倚靠。暫不見傷。久則脇痛。乃胸前死血作硬也。於主方中加紅花一錢。其効如神。再於熟藥內。摻入童便韭汁少許。攪勻溫服。更効。右脇痛。

微者。卽是痰流注。并食積。每用鹽煎散。順氣丸。辛溫之劑治也。又當論左脇痛。胃脘疼。婦人多有之。以憂思忿怒之氣。不得條達。故作痛也。治婦諸疾。必以行氣開鬱為主。兼以破結散火。庶得機矣。語云。香附縮砂。女人之至寶。山藥茯苓。男子之佳珍。此之謂也。

左脇痛主方

當歸 草龍膽

大梔子童便炒 黃連炒 黃芩各一兩

大黃九蒸 蘆薈半兩

木香一錢五分 黃柏一兩 麝香五分

右爲末。麪糊爲丸。一方性暴者。加柴胡川芎青黛蜜丸。

附諸方

●一香散 治右脇痛神効

小茴香

兩炒

枳壳

五錢錢炒

爲末以塩酒調服二錢

加味二陳湯

治咳嗽脇痛

陳皮

去白

半夏

姜湯泡

茯苓

去皮

南星

牛膽者佳

香附

去毛便炒

青皮

去穢

青黛

姜汁

各等分煎服

抑奇丸

治右脇痛

黃連

半斤

爲末蒸餅糊爲丸服

人端痰火之症多患左脇痛痛甚至卧不可轉側者乃肝經無

葉其葉已焦多灰不救

附出見治驗

一人右脇痛甚予診其脈六部帶滑此痰流注作疼也遂用

陳皮

一錢

半夏

製七分

香附

五分童便炒

大伏皮

洗五分

蒼朮

浸五分

厚朴

姜炒五分

枳壳

三分半

片子姜黃

四分

神曲

炒五分

麥牙

炒五分

服數劑而愈

驚悸怔忡健忘

驚者心卒動而不寧也。悸者心跳動而怕驚也。怔忡者心中躁動不安。惕惕然如人將捕是也。多因富貴戚戚貧窮不遂所願而成。健忘者陡然而忘其事。盡心力思忖不來。為事有始有終。言談不知首尾。三證病同而名異。其原皆屬心血虛。蓋心無血養。如魚失水。惕然而跳躍也。時作時止者。痰因火動。瘦人多是血虛。肥人多是痰飲。法宜先養心血。理其脾土。亦當幽閑安樂。制其憂慮。遠其

七情六淫則自安矣。素問云：東方青色入通于肝，其病發驚駭。又云：脾移熱于肝，則爲驚衄。仲景云：食少飲多，水停不下，甚者則悸。微者短氣。又云：五飲停蓄，閉於中脘，最使人驚悸。又云：因有大事所驚而成，名曰心驚膽寒。病在心膽經，其脈大動，其動如豆，動搖無頭尾是也。丹溪云：病自驚而得者，則神出其舍，舍得液則成痰也。血氣入舍，則痰拒其神，不得歸焉。

黃帝問曰：胃足陽明之脈，病惡人與火，聞木音則惕然而驚，聞鐘鼓不爲動，何也？岐伯曰：陽明者，胃脈也。胃者土也，故聞木音而驚，土畏木也。又曰：痰飲驚悸，屬脾土。凡火病吐血盜汗後多見此症，故并附之。

驚悸怔忡主方

即補心湯

當歸 一錢

白朮

八分 璧土炒

陳皮

五分 去白

白芍

五分 炙

生黃

七分

遠志

五分 去骨

石菖蒲

六分

麥冬

七分 去心

酸棗仁

五分 炙

甘草

三分 炙

黃柏

三分 童便炒

知母

五分 童便炒

茯神

五分 去木

虛極者

加人參三分

又一方加栝子仁北五味水煎服

硃砂安神丸

硃砂

三錢 水研

黃連

酒洗六錢

甘草

炙二錢 半

生黃

一錢 半

當歸

二錢

右爲細末蒸餅爲丸如黍米大每服三五丸臨臥津液下

附名醫治驗

林學院歷官海南地方有一子甚聰敏居常喜食海蛤每食必

設至十八年忽面色頓青。形體瘦削。夜多驚悸。皆謂癆瘵。百藥不瘳。遂召杜診之。杜曰。非病。何以知之。蓋雖病削面青。精神不減。問秀才平日好食甚物。曰多食海南中味。杜曰。但多服生津液藥。病當自愈。如是經兩月。顏色漸紅潤。夜亦無驚。學士延杜問曰。願聞此病所以。杜曰。素問云。塩發渴。乃勝血之證。今旣去鹹。用生津液之藥。人且少壯。血液易生。而色漸紅潤。此疾去乃安矣。衆醫以爲癆瘵。非其治也。

衛德新之妻。旅宿樓上。夜值盜劫。人燒舍。驚墜牀下。自後每聞有響。則驚倒不知。諸醫作心病治之。皆無効。戴人見而斷之曰。驚者。爲陽從外入也。恐者。爲陰從內出也。驚者。爲自不知也。恐

者爲自知也。足少陽膽經屬肝木。膽者敢也。驚怕則傷膽矣。乃命侍女執其兩手。按于高椅上坐。當面前下置一小几。戴人云。娘子當視此一木。猛擊之。其婦人大驚。戴曰。我以木擊几。何必驚乎。伺少停擊之。驚少緩。又須臾連擊三五次。又以杖擊門。又遣人擊背後之窗。徐徐驚走。衛嘆曰。是何治法。戴人曰。驚者平之。平者常也。常見必無驚。是夜使人擊其門窗。自昏暮達曙。執卧不聞夫驚者。神上越也。從下擊几。使之下視。所以收神也。二日雖聞雷亦不驚。